

CONOCER ASTURIES

conocerasturies.com

VIAxAST

Nº7 · xunu – agostu 2019

Un branu de folixa



CANGAS
TRES LOS PASOS
DEL OSU

FIESTES
D'INTERÉS
TURÍSTICU

ENTREVISTA
CONOCER ASTURIES
CON ARANTXA NIETO

XIXÓN AL DÍA
UN NUEVU MEDIU
N'ASTURIANU



CONOCER ASTURIES

DIARIU DIXITAL DE CULTURA, TURISMU Y OCIO N'ASTURIES.



WWW.CONOCERASTURIES.COM

ÍNDIZ

Los vaqueiros.....	4
Sableres col perru	5
Cangas del Narcea.....	6
Castrillón.....	8
Cuideiru.....	10
De ruta per Llaviana	12
Les recomendaciones.....	14
Fiestes n'Asturies	16
Avilés: Famous Wine Festival.....	18
Xixonaldia.com.....	20
La torre de Banduxu	22
Les Campes (La Pola Siero).....	24
Audiovisual n'asturianu	26
El Corri-corri	28
Rutes a caballu	30
Entrevista a Arantxa Nieto.....	32
Bufones de Pría.....	34
Casadielles.....	35
PlayPresta gana un GAVA.....	36
Torna XixónTours.....	37
¿Qué sabes de... ?.....	38

**Pues atopar la revista n'hoteles,
restaurantes, centros culturales,
oficinas de turismu...**

EQUIPU

DIRECTOR:

Lluís Fanjul Quelle

DIRECTOR DELEGÁU CONOCER ASTURIES:

Dani Rodríguez Blanco

XEFE DE REDACCIÓN:

Inaciu Galán

COLLABORADORES:

Iván Llera Huerta
Alba García Fernández Moncó

XESTIÓN EDITORIAL:



DIRECTORA COMERCIAL:

Nuria López García
684 645 846

info@conocerasturies.com

Teléfonu: 984 086 626

IMPRENTA:

Gráficas Summa

Depósito Llegal: AS 03801-2017
©Cuatro Gotes Producciones SL



GOBIERNU DEL PRINCIPÁU D'ASTURIES

CONSEYERÍA D'EDUCACIÓN Y CULTURA

Númeru 7 - Añu III - Segunda dómina



Una fiesta pa nun escaecer a **los vaqueiros**

Los vaqueiros fueron y son un grupu étnicu cultural d'Asturies con unos oríxenes ancestrales. Los vaqueiros yeren ganaderos treshumantes, nómades, que vivíen nes brañes mientres los meses de branu y tornaben a los valles al empiézu del iviernu. Rellacionáben-se ente ellos, marxinaos pol restu de la sociedá y creando asina una cultura y un folclor bien singular.

Col pasu del tiempu'l númberu de vaqueiros foi menguando hasta quedar un númberu bien amenorgáu. Por ello, la última fin de selmana de xunetu celébrase añu tres añu la fiesta vaqueira na Braña d'Ariestébanu, un homenaxe a esta peculiar manera de vida.

La Braña d'Ariestébanu ta asitiada ente los

conceyos de Tinéu y Valdés, y ye ellí onde se representa la celebración del casoriu típicu vaqueru. La pareya de novios llega montada a caballu y acompañada de gües que tiren de les pertenencies que regalen al matrimoniu. Toes elles representen valores como la capacidá adquisitiva o la fecundidá.

La empanada, el choscu o la sidra son tamién protagonistas nesti actu, nel qu'al son de gaites, pandeiros y payel.las, créase un ambiente interesante y bien animáu que ye visitáu per cientos de persones cada añu.

Magar qu'agora son un grupu social que xenera interés turísticu y cultural, nun va munchos, nes ilesies, los vaqueiros nun podíen siquiera ponese onde s'asitiaben los demás feligreses.

3 sableres onde pasalo bien *col perru*

Llega'l branu y qué meyor qu'esfrutar d'un día de sablera colos nuestos perrinos. Cada vegada son más los conceyos que mos dan esta posibilidá y esta temporada estes son 3 de les sableres asturianes nes que poder dir con ellos:



Cambaredo (El Franco)

Nel occidente d'Asturies, n'El Franco, atópase la sablera de Cambaredo. 220 metros de sablera de grava arrodiada de cantiles de gran altor.

Esta sablera cuenta con dos accesos. En momentos de baxamar pue aportase per un senderu que s'atopa ente la Sablera vecina de Castello y esta. Otra opción ye l'accesu pel camín que va dende A Caridá hasta'l miradoriu.

Conocer Asturias recomiéndate: Amás de les chancles, lleva na mochila unos playeros, yá que l'accesu pue ser esbariadizu.



El Rinconín (Xixón)

Ente roques y el Cantábricu, na zona d'El Cervigón de Xixón, atópense 250 metros d'arenal nos que poder disfrutar cola to mascota. Pue aportase caminando o en coche y cuenta con duchas, aseos y serviciu de socorrismu. Amás, nella pueden practicase deportes como pesca somarina, surf, bodyboard o senderismu.

Conocer Asturias recomiéndate: La sablera d'El Rinconín ye'l puntu d'entamu de la ruta El Rinconín-La Ñora de 9,3 km. Acompaña'l to día de relax con una ruta pela mariña asturiana.



Saliencia (Cuideiru)

La cala de Saliencia atópase en Cuideiru, al pie de la desaguada del regueru Llindebarcas, al llau del Castru de Fariñón. Una sablera xabaz, poco transitada, compuesta principalmente por regodones y a la qu'ha aportase andando per un camín d'unos 15 minutos. Un territoriu cuasi virxe pa disfrutar d'un día de relax cola to mascota en plena naturaleza.

Conocer Asturias recomiéndate: Si vas en coche, tienes un aparcaderu nel pueblu vecín de Novellana. Apárcalu ellí y esfruta d'un prestosu paséu hasta la sablera.

Cangas del Narcea, tres los pasos del osu

Siguiendo los pasos del pacíficu osu pardu pue llegase a afayar los llugares más escondíos de Cangas



Una tierra de valles serraos, montes milenarios y pueblinos onde afayar la esencia d'Asturies. Llugares verdes de naturaleza pa esfrutar con un paséu, practicar senderismu, realizar salíes d'observación de fauna o esfrutar de caminos en bici conociendo'l Parque Natural de las Fontes del Narcea, Degaña y Ibias y la Reserva

Natural Integral de Muniel.los (Reserva de la Biosfera y Rede Natura 2000).

Pon unos zapatos cómodos porque nun vas poder parar de caleyar, nun escaezas que Cangas destaca pol so ricu patrimoniu cultural. Entama pol Monesteriu de Courias (sieglu XI), remocicáu como Parador Nacional de Turismu; la villa de Cangas caltién nel so cascu hestóricu palacios, ilesies, pontes...



Nun dexes de ver el Centru dedicáu al dramaturgu asturianu Alejandro Casona en Bisuyu o los pueblos onde abonden palacios y casones, ilesies de tradición románica y gótica y construcciones típiques como horros, brañes, cortinos, corripes, molinos y fontes.

Pa los apasionaos pola artesanía en Cangas

Descubri más en:
fuentesdelnarcea.org
turismoayto-cnarcea.es
cangassingluten.com

entá perviven vieyos oficios como los alfareros qu'ellaboren la cerámica negro, los madreñeiros, los ferreiros o bien cerquina, ente Degaña ya Ibias, los cunqueiros.

Si te presta conducir vas pasalo podre peles retorciés carreteres del conceyu. La Ruta del Xardón, la de Sierra o La Ruta de los Puertos avérente la hestoria y paisaxe de Cangas.



Si la gastronomía y el bon vinu tán na to llista d'imprescindibles nun viaxe, Cangas nun va decepcionate. Una escelente materia primo ye la base pa la esquisita cocina canguesa. Tienes que probar el caldu de berces, la carne roxo, el butiel.lu o'l tradicional pan de lleña. Too ello acompaña de los vinos, porque Cangas tamién

ye tierra de vinos. Acoyíos a la Denominación d'Orixe Protexida Vinu de Cangas son delles les bodegues que vas poder visitar y nel Muséu del Vinu de Cangas afondar sobre les particularidaes de los sos vinos, costumes y tradiciones. Nun hai nada como prebar el vinu de Cangas d'un xeitu tradicional, bebiendo del cachu, un cuencu de madera.

Y ye qu'amás, Cangas ye, dende l'año 2018, el primer Destín ensin Gluten d'España.



Castrillón, la mar que ver

Castrillón ye un conceyu costeru conocíu como'l "Conceyu de les siete sableres" sicasí son más de siete les que percuernen el so llitoral dende San Xuan de Nieva hasta Bayas.

Ye abondo difícil que nun atopes en Castrillón una sablera que te preste, porque hai pa tolos gustos: urbanes y bullicioses, pequeñes, afayadices cales, pa los amantes del surf o pa dir a pasiar colos nuestos amigos los perros.



La de San Xuan ye una sablera de arena blanco asitiada nun enclave declaráu Monumentu Natural gracias al so impresionante sistema dunar, les "Dunes del Espartal", un de los más estensos y guapos d'Asturies. Ye una sablera llarga, con foles fuertes que la faen perbona pa la práctica del surf y otros deportes d'agua.


Caminado peles pasareles que van dende San Xuan, llegamos a Salinas, una espectacular sablera urbana que ye de les más concurries d'Asturies. Nesta sablera ye vezu ver escuelas

de surf y surfistes llocales dibuxando un paisaxe que se convirtió en seña d'identidá d'esta llocalidá. Reconocida col distintivu de bandera azul, la de Salinas ye en ensin dulda, la sablera por escelencia de Castrillón.



Mar y minería xúntense na sablera d'Arnáu, una fondigonada guardada y afayadiza, de sable y piedres, qu'escuende una ayalga, yá qu'al rodiu d'ella hai importantes restos del Patrimoniu Industrial y Mineru de Castrillón y de la dómina del Devónicu. Si vas a Arnáu, nun escaezas visitar la que foi la primera mina de carbón d'España, güei convertida en Muséu.

La de Santa María'l Mar ye una sablera de sable prieto, formada por dos cales urbanes (El Puertu y La Llada) nun llugar turísticu que cuenta na so rodiada con camping, restoranes y amplios aparcaderos. Ye un arenal tranquilu y con poques foles dende'l que pue vese la islla La Lladrona. Ye la otra sablera de Castrillón que cuenta col distintivu de bandera azul.



castrillonturismo.com
Sablera d'Arnáu



Después de Santa María'l Mar atopamos Bahinas, una sablerina, resguardada del aire, de sable escuro y regodones, qu'agospia una gran guapura paisaxística. De fácil accesu y bien equipada, ye ideal p'aquellos que busquen tranquilidad y al mesmu tiempu, bonos servicios.



Na llocalidá de Bayas atopamos dos arenales bien distintos. Per un llau, tenemos la sablera de Munielles, de fácil accesu ya ideal pa los que busquen un arenal poco concurríu y tranquilu nun entornu incomparable. Con marea baxa, dende ellí pue accedese a otres cales entá menos frecuentaes, como El Regueru o la Cala Cordial.



Y pa finir el nuesu percorríu peles sableres de Castrillón, llegamos a El Sablón, un arenal de cuasi 3 quilómetros de llargu qu'acueye un Monumentu Natural formáu pol so espectacular conxuntu dunar y la Isla de la Deva. A lo llargo de la so estensión podemos alcontrar diferentes zones a les que podemos dir acompañaos poles nueses mascotas, na parte occidental y una zona frecuentada por naturistes, "Requeixinos", na so parte oriental.

Esti branu nun duldes, ve a esfrutar de les sableres de Castrillón, porque en Castrillón tienen la mar que ver.

4 cosas que ver en Cuideiru

Mar, pesca y mil colores, asina podría describirse Cuideiru, unu de los pueblos más característicos y reconocíos de la mariña asturiana.

Destaca ente la so redolada pol pixuatu, la variedá del asturianu del pueblu, tan querida pola so población y na que siguen falando nel so día a día y lleendo'l pregón llaicu na fiesta de L'Amuravela.

Ye tamién especial Cuideiru pola so disposición física, en forma d'anfiteatru escondíu dende'l mar y dende la tierra, por tradiciones como'l curadillu, un manxar únicu a base de tiburón, y polos cientos de colores de les sos cases. Ye por too ello Cuideiru un llugar de cuentu, declaráu bien d'interés cultural, que cada añu recibe miles de turistes que deseen almirar la so guapura.

La so nacencia remóntase a la Prehistoria. En Cuideiru topáronse cantares tallaos y diversos preseos que daten d'esta dómina, llugar que darréu nel Prerrománicu ocuparon los péscicos, pasando a convertise na Edá Media nunu de los principales puertos pesqueros d'Asturies, dende'l que partíen pescadores escontra Inglaterra, Flandes, Escocia o Portugal.

El faru, la capiella de l'Humilladeru, La Te-laya son dalgunos de les xoyes d'esti pueblu qu'acompañaes de la deliciosa ufierta culinaria de los sos chigres van facer que pases una xornada bien prestosa.

CAPIELLA DE L'HUMILLADERU

Ye l'edificiu más vieyu de Cuideiru y unu de los más significativos. La so construcción remóntase al sieglu XIII, siendo paralela a la



Sidrería - restaurante "El Remo"

Cai Fuente de Abajo, 9 (Cuideiru)
T: 985 590 218



Restaurante Arbichera

El Pitu s/n (Cuideiru)
T: 985 591 180



Semeya: Rafa Escapa Álvarez

construcción de dalguna de les fases de la catedral d'Uviéu.

Los marineros allegaben demandando l'amparu a les sos flaques y desgracies. Nella tamién s'allugaben cuestiones de drechu y conducíase a los reos en viéspores de ser executaos.

Nunu de los remociques de la capiella, afa-yóse que la bóveda taba decorada con frescos qu'hasta entós tuvieren cubiertos por llucíos.

EL FARU:


Los sos oríxenes remóntense al añu 1883, siendo remocicáu col pasu del tiempu en numberoses ocasiones. Gocia d'un allugamientu únicu, onde pue esfrutase d'unes vistas magnífiques.

EL PUERTU:

Un llugar pa pasiar y visitar dalgunu de los sos magníficos restoranes, onde vas poder probar la escelente cocina mariñana de Cuideiru.

PALACIU DE SELGAS:


El palaciu de Selgas, conocíu como'l Versalles asturianu, ye una edificación indiana del sieglu XIX. Alluga un importante patrimoniu artísticu proveniente de toa Europa. Alredor de los edificios estiéndense xardinos inspiraos nes modes franceses ya ingleses de la dómina.



Sidrería Casa Mari

Riofrío, 2 (Cuideiru)

T: 690 837 810



L'Amuravela en 1951

De ruta per Llaviana: *Trama y evolución urbana de La Pola*



Casa Conceyu vieya

Llaviana algama'l rangu de puebla a finales del sieglu XIII y nos sieglos siguientes La Pola desarróllase al rodiu de dos exes: la cai'l Sol y la cai la Mora.

Esti edificiu data del sieglu XVIII y, anque se remocicó, conserva l'escudu de los León d'Entrialgo. Afáyase na Plaza la Encarnación, enantes Plaza la Bolera, lo que denota'l so papel como llugar de conceyu.



Cine Maxi

Dende entamu del sieglu XX constatábase un asentamientu de les industries modernes del ocu y p'hacia 1908 son habituales los cinematógrafos.

En Llaviana funcionaron el Teatru Colón, l'Ideal y el Cine de Matilde.

L'edificiu del Maxi proyectóse en 1941 pol destacáu arquitectu Juan Manuel del Busto, ya inauguróse en 1943 como sala de cine y de fiestas.



Casa Conceyu

La estructura urbana asentábase alreor de los exes de la cai d'Arriba y la cai d'Abaxo.

El Conceyu Llaviana llogró'l títulu d'Escelentísimu concedíu por Alfonsu XIII el 27 de setiembre de 1903, resaltándose la so antigüedad, yá que foi reconocida como villa na dómina del rei Xuan II.

Ente mediaos del sieglu XIX y entamu del XX el conceyu duplicare la población (d'unos 5.000 a unos 11.500), y la villa presentaba elementos decididamente urbanos: casinu, ban-cos, hotel y restorán, comercios...



Ilesia de Santa María l'Asunción

En 1889 l'Obispu Martínez Vigil constata col párrocu la insuficiencia del templu del Otero p'allugar a una población n'aumentu, y el 15 d'agostu de 1895 ponse la piedra primera del nuevu. En 1921 entámase una reforma dempués de qu'un rayu baltare la torre.



Escueles Graduaes

A mediaos del sieglu XIX yeren contaos los escolares esistentes nel conceyu. A finales d'aquella centuria, al contrariu, la mayor parte de la población infantil taba escolarizao. En 1896 había trece escuelas públiques, llevando les deficiencies a que s'establecieren seis centros educativos particulares. Funcionaba tamién en La Pola una escuela nocherniega d'obreros católicos.



La Plaza la Pontona


Nel marcu d'una agricultura de subsistencia, el comerciu n'Asturies llimitábase prácticamente a los intercambios ocasionales en feríes y mercaos. En Llaviana celebrábase un mercáu selmanal los xueves.

Les feríes, de mano estacionales, pasen a ser continúes col desarrollu de la ganadería intensivo. En Llaviana éstes teníen llugar a entamu d'ochobre y teníense por unes de les más importantes d'Asturies, y el ganáu llavianés emponderábase fuera tamién. En 1935 suspendíense les feríes y concursu de ganáu, retomándose la so celebración en 1962 y siendo na actualidá una de las cites ganaderes y festives de mayor raigañu nel conceyu.



Santuariu de la Nueva Señora del Otero

Llevantada posiblemente nel sieglu XVI, foi la Ilesia parroquial hasta la construcción de la nueva, siendo oxetu dende entós d'unes remodelaciones grandes que cambiaríen radicalmente la so fisionomía, reduciéndose de mou considerable la so volumetría. Destaquen el retablu mayor del sieglu XVIII, la talla de la Nueva Señora del Otero o la imaxe del Arcánxel San Miguel. Anque na actualidá ye un templu de planta centralizada en forma de cruz griega, n'orixe tratábase d'una edificación de cruz llatina.



El Pintu

Cai La Libertad, 11 (La Pola Llaviana)

Teléfono: +34 984 045 505



Sidrería Montera - Casa Güela

Cai La Vega, 1, Villalegre (Ávilés)

Teléfono: +34 985 579 402

**LOS TRES
MONITOS**

R E S T A U R A N T E

Restaurante Los tres monitos

Cai Príncipe d'Asturies, 51, Salinas (Castrillón)

Teléfono: +34 985 500 003



Casa Alicia

Avenida del Mar, 2 (Piedrasblancas)

Teléfono: +34 985 531 072



La Tortuga
Chigre - Restaurante

La Tortuga Chigre- Restaurante

Tazones (Villaviciosa)

Teléfono: +34 985 897 168



Pub Queen Maeve

Cai La Ferrería, 4 (Ávilés)

Teléfono: +34 985 500 003

La Luna Café Pub

Cai Pablo Laloux, 15, Salinas (Castrillón)

Teléfono: +34 984 842 362



Arnao Coast

Cai La Mina, s/n, Arnáu (Castrillón)

Teléfono: +34 696 849 552



Restaurante - Vinoteca El Círculo

Cai La Ferrería, 10 (Avilés)

Teléfono: +34 984 490 119



Bodegas Antón y Bar Chicote

Cai La Fuente, 8 (Cangas del Narcea)

Teléfono: +34 985 810 934



Mirador de Santa María- Casa Román

Paseo Marítimo, 11, Sta. María del Mar (Castrillón) **Teléfono:** +34 663 867 661



Gastrobar El Pañol

Plaza del Carbayo, 1 (Avilés)

Teléfono: +34 687 54 56 76



Restaurante María Luisa

Cai Las Mestas, 10 (Cangas del Narcea)

Teléfono: +34 985 811 143

Sidrería Narcea

Cai Dos Amigos, 2, (Cangas del Narcea)

Teléfono: +34 985 810 038

4 Fiestes d'Interés Turísticu n'Asturies

Asturies cuenta con una cultura y unes tradiciones úniques, qu'acompañaes de gaites, sidra y ganes de pasalo bien faen que se xunten gran cantidá de fiestes d'interés turísticu. Estes son dalgunes d'elles:



Festival de la Sidra de Nava

La segunda fin de selmana de xunetu, dende 1969, les cais de Nava enllénense de conciertos, prebes de sidra y munches actividaes culturales que crean una folixa declarada d'interés turísticu nacional. El concursu a la meyor sidra, el premiu al echador del añu o los 5.000 llitros de sidra gratis que se reparten mientres esos díes son dalgunos de los motivos polos que nun puedes perder la cita esti branu.




Los Esconxuraos de Llanera

Llanera torna a la Edá Media la primer fin de selmana de xunetu de cada añu. Escudos, caballeros, bufones, guerreros... una recreación perfecta de la dómina na que puedes atopar dende puestos d'artesanía nos que mercar productos típicos de la dómina a representaciones teatrales o amuses de cetrería.

Unu de los actos más destacaos ye la gran cena celebrada'l sábadu. Más de 1.000 persones, vistíes coles sos meyores gales medievales, comparten mesa y esfruten de bufones, magos o homes de fueu mientres tastien un menú característicu de la dómina.

La mañana del domingu, tres la llarga nueche de celebración, represéntase na recintu ferial la procesión qu'en 1412 realizaron los vecinos de Llanera hasta Uviéu pa consiguir el perdón y esimise de la escomunión.



Fiestes del Carme de Cangas

Cada 16 de xunetu'l cielu de Cangas española faciendo cimblar el suelu y los corazones de miles d'asturianos. La fiesta de La nuesa Señora del Carme, popularmente conocida como La Descarga, atrái cada añu a miles de turistes por ser referente pirotécnicu a nivel estatal.

Más de 80.000 voladores, qu'a la llegada de la Virxe del Carme a la ponte romana que crucia'l ríu Narcea, lláncense al cielu por 800 tiradores y apurridores, consiguiendo emocionar al ampliu públicu.

En 1902 fúndase l'asociación organizadora, pero esta tradición entama enforma tiempu atrás. Dalgunos dicen que nació'l día nel que los franceses intentaron conquistar Cangas, otros, sicasí, ponen el so entamu nun festexu a la Virxe Marinera que trabayadores xixoneses entamaron na villa de Cangas.

Un día cargáu de tradición, emoción, pólvora... ¡y muncha folixa!



Descensu Folkloricu del Nalón

Más de 50 años lleva'l ríu Nalón, al so pasu pel conceyu de Llavana, enllenándose de color y alegría los terceros sábados d'agostu. Decenes d'embarcaciones de creación propia baxen mientres un quilómetru y mediu pel ríu Nalón, dende Puente d'Arcu hasta La Ponte la Chalanu, onde tolos participantes y asistentes canten a coru el cantar d'El Chalaneru.

Cada embarcación, diseñada y elaborada polos miembros de cada peña, sigue una temática distinta y darréu son premiaes pola so rellación cola tradición o la cultural popular asturiana, l'animación, los antroxos de los tripulantes...

Una competición que ye reconocida a nivel estatal y na que nunca falta la folixa.



Avilés, diez años nuna *copa vinu*

**El Famous Wine Festival, festival único de vinos de famosos, al-
gama la so décima edición con 21 marques, de Messi a Coppola**

De Francis Ford Coppola a Messi, de Brad Pitt a Andrés Iniesta. La cultura del vinu cautiva a destacaos personaxes, conocíos poles sos películes, los sos goles o la so música, y tamién na so nueva faceta, como viticultores o ufiertando la so imaxe, icónica, a importantes bodegues. Avilés axunta a un bon puñáu, 21, y entama un festival únicu dedicáu a saborguiar vinos de famosos, el "Famous Wine Festival". Anguaño cumple la so primer década de vida y celébrase del 6 al 16 de xunu n'establecimientos avilesinos y de Piedrasblancas.

"Famous Wine Festival" ye una propuesta de la Mancomunidá Comarca d'Avilés. Nació cola idea d'averar y promocionar la cultura vinícola, bien guañada y de llarga tradición n'Avilés. Crez añu a añu, n'asistencia y visitantes, amás de nos establecimientos participantes y vinos disponibles.

Ufiértase gran calidá a precios dende los 2,20 a los 4,70 euros la copa. Caldos esclusivos, y n'ocasiones, bien difíciles d'atopar n'Asturies, y con una gran capacidá d'atracción. L'añu pasáu sirviéronse 10.000 copes, 1.000 d'elles, d'Andrés Iniesta y los sos vinos de La Mancha.

Los establecimientos mimeticen la so decoración colos famosos, y nun ye estraño que dalgunos d'ellos pasen per Avilés, un añu sí, y otru

tamién. El públicu va esfrutar d'una esperiencia completa, con vinu y tapes. Espublízase un "vinomapa" coles marques, los establecimientos que los ufierten, y la so situación n'Avilés y Piedrasblancas, y que pue sellase, permitiendo participar en sorteos. Y los cinéfilos van homenaxar a Francis Ford Coppola, el xueves 13, con una preba de variedaes nunca vistes nel festival.

Vinos con sabor a cine, a moda, a fútbol, a cultura. D'Amaya Arzuaga, Andrés Iniesta, Antonio Banderas, Brad Pitt, Santiago Cañizares y Sergi Barjuán, Coti Sorokin, Chimo Bayo, Emilio Aragón, Eneko Atxa, Francisco Rivera, James Dean, José Luis Cuerda, Juan Echanove, Juan Mari Arzak, Julio Salinas, Leo Messi y Rafael Moneo. Y per primer vegada, de Carme Chaparro y Boris Izaguirre.

Esti añu súmense trés establecimientos nuevos, hasta los 20. 16 n'Avilés: A Piñón Bistro, El Círculo, El Pañol, El Periquete, La Antigua, La Biblioteca, La Brujería, La Escuelina, La Llosa, Merlot Vinos y Tapas, Moma Avilés Art, Plazas, Punto de Encuentro (La Madreña), Ronda 14, Sal de Vinos y Syrah. Y 4 en Piedrasblancas: Boulevard Food & Drinks, Casa Topete, Cuatro Vientos Café-Bar y El Secreto.



famous wine festival

2010-2019 **10º aniversario**

D.O.comarcaavilés


2019 **6al16de**junio



COMARCA
avilés
TURISMO

HCN
HOSTELERÍA
COMARCA AVILÉS
ucagc

www.avilescomarca.info



Xixonaldia.com, una nueva forma d'aверase a la información

Un nuevu mediu n'asturianu súmase a la ufierta informativa asturiana con una perspectiva multimedia

Xixón tien una nueva ventana abierta a la información. Conocer lo que pasa na ciudá y n'asturianu ye agora más cenciello. Nel mes de mayu arrancó la so actividá Xixón al día, un nuevu mediu de comunicación dixital centráu no que pasa na ciudá y nel conceyu. En www.xixonaldia.com, los vecinos van poder atopar cada día les noticies de Xixón y la so redolada, ensin escaecer lo que pasa n'Asturies y el restu del mundu.

Xixón al día quier convertise nun mediu de referencia nel conceyu, con una forma de cuntar les noticies averada a les nueves formes del periodismu dixital y con un compromisu total col usu del asturianu como llingua vehicular. La nueva web de noticies de Xixón naz con un diseñu modernu y adaptáu a tolos dispositivos

y presente nes principales redes sociales (Facebook, Twitter ya Instagram), pa qu'informase seya más fácil y rápidu que nunca.

L'equipu de xixonaldia.com lleva dellos meses preparando la salida d'esti mediu, que va dir medrando en conteníos pasu ente pasu. Les noticies y reportaxes van dir dexando espaciu a nueves secciones: opinión, videos, entrevistes y más conteníos van dir incorporándose progresivamente a la publicación.

L'actualidá política y social de la ciudá va tar bien presente nel diariu, dando-y especial protagonismu a lo que pase nos barrios y na zona rural del conceyu. Tamién van tener un espaciu destacáu la información deportiva, con especial atención al Sporting y al restu d'equipos de les distintes disciplines deportives. Tampoco nun va faltar un espaciu acutáu pa la cultura y l'ociu, con tolos planes pa disfrutar de Xixón.

XixónALDía

The background of the entire page is a photograph of a beach and a city skyline. The beach is in the foreground, with people walking along the shore. The city skyline is in the background, featuring several tall buildings. A large, semi-transparent red diagonal shape cuts across the image from the top left to the bottom right, partially obscuring the beach and the city.

Noticias de Xixón, Asturias y el mundo
pa que nun pierdas nada de lo que pasa.

xixonaldia.com



Torre de Banduxu, **un viaxe a la Edá Media**

Nel conceyu de Proaza, na cuenca del ríu Trubia, atópase Banduxu, una aldea medieval catalogada como Bien d'Interés Cultural. Nesta distintión tien la mayor responsabilidá la torre medieval cola que cuenta esti pueblu d'ensuañu, una de los meyores calteníes y la única de dómina baxomedieval d'Asturies.

La so construcción pertenez a la Baxa Edá Media, combinando técniques de mampostería, sillaría y sillareyu y elementos arquitectónicos de toles dómines.

La torre caracterízase pola so estructura simple con disposición en planta circular, de 7 metros de diámetru, y 12 metros d'altor estremaos en trés plantes. Les entraes son dos; una puerta al ras del suelu, adintelada, y una segunda, nel

primer pisu, d'arcu de mediu puntu. Esta postrera convirtiósese en balcón, yá qu'a ella llegaba una ponte elevadiza que desapareció. El tercer pisu cuenta con dos cortexadores y con delles aspilleres qu'asienten la so construcción ente'l sieglu XIII y el XIV.

La Torre de Banduxu, tamién conocida como Torre de Tuñón, atópase na redoma de la casa "El Palaciu", la que se supón perteneciente al llinaxe d'Álvarez de Banduxu. Nel pisu cimero dispónse l'escudu, que representa los blasones de los Banduxu, los Miranda y los Tuñón, y, nel centru, una torre con una llanza inclinada en cada banda.

Testu: Alba García Fernández Monco
Semeya: Pablo García Chao



ALFRESCO

comounaregadera

SPRING-SUMMER 19



comounaregadera.com

Les Campes, una plaza enllena d'hestoria

Puntu de referencia p'asturianos y turistes, La Plaza Les Campes convirtiósse col pasu los años nuna visita imprescindible si vas pasar unos díes nel conceyu Siero o si t'averes a esta villa de pasu.

Nel sitiu onde agora podemos contemplar la escultura de Tino Rozada (Danza Prima), había una capiella dedicada a la Virxe del Carme, onde a finales del sieglu XVII celebren les primeres fiestes del Carme. La fiesta celebrábase'l domingu siguiente al 16 de xunetu o día del Carme.

Según cuntén, les fiestes del Carme yeren bien populares, atrayíen numberosu públicu de la contorna y de fuera, de manera que los forasteros, aprovechaben p'asistir al mercáu del martes y quedar en La Pola tamién el llunes. D'esta miente, la fiesta siguía y pasó a celebrase'l

llunes tantu o más que'l domingu, perdurando esta costume hasta los nuesos díes.

El llunes de Carmín foi declarada Fiesta d'Interés Turísticu Rexonal en 2002. Nella una camisa blanca y una pañoleta azul componen la indumentaria tradicional p'allegar al prau de la fiesta.

Nesta plaza podíen atopase tou tipu de talleres d'artesanos: madreñeros, boteros, ferreros, guarnicioneros, etc, yera onde tradicionalmente se celebraba'l mercáu selmanal de los martes, y el mercáu de ganáu. Anguaño ye unu de los llugares emblemáticos de La Pola Siero, yá que nella podemos almirar entá dellos exemplos d'arquitectura popular.

La Plaza de Les Campes ye llugar d'alcuentru y tamién de celebración. Exemplan d'ello ye la tradición que se sigue la nueche de San Xuan,



Picofino Gastrobar

Plaza Les Campes, 22 (La Pola Siero)



La Manduca Bar

Cai El Acebo, 10 (La Pola Siero)



al calor de la foguera, cuando los mozos solteros del pueblu baxen del monte cargaos col álamu más altu qu'atopen, pa llantalu na plaza y acompañalu con dalgún cantar escontra los homes casaos.

Estos van dar el retruque'l día de San Pedru, llantando na mesma plaza un carbayu, que había ser más altu que'l de los mozos, y al qu'acompañen con otu cantar enllenu de bon humor, en respuesta a la d'aquellos.

El cascu urbanu foi organizándose alredu del mercáu de ganáu, onde trescurría la vida comercial, que diba n'aumentu a midida que s'abríen nuevos caminos o s'ameyoraben les comunicaciones esistentes coles aldegues vecines.

L'exce viariu más importante yera la carretera Uviéu-Villaviciosa, la que se dirixía a Ceis y la

que xunía Xixón con Valdesoto.

El mercáu foi medrando adúlces y convirtiéndose nunu de los mercaos de ganáu vacunu más importantes d'Asturies.



Les Campes en 1915



La Birra de Brian

Plaza Les Campes, 12 (La Pola Siero)



La Foguera

Plaza Les Campes, 8 (La Pola Siero)

4 pieces pa conocer l'audiovisual n'asturianu

Nes últimes décadas l'audiovisual n'asturianu dio amuesa d'una importante vitalidá, magar del escasu sofitu col que cuntó den- de les instituciones. Ufrímostes cuatro pieces audiovisuales que van permitite facer un averamientu rápidu a esti sector nel que cada añu apaecen novedaes interesantes.



7337, terror n'asturianu (2000)

El realizador asturianu Sergio G. Sánchez, que dempués va convertise nun cineasta conocíu internacionalmente, abrióse puertes con esti curtíu n'asturianu ne qu'una maestra llega a una escuela rural abandonada dende la Guerra Civil.

Según el so director, esta pieza ye "una especie de versión resumida de "El Orfanato", escrita por él mesmu y que más tarde consiguió llevar al llargumetraxe, con direcció de J.A. Bayona. Esti curtíu foi ganador de premios en Bruseles, Porto, Málaga y Xixón.

Ver curtiumetraxe



Piquinu, una hestoria encantadora (2011)

Piquinu ye un curtíu documental que tien de protagonista a un mozu del conceyu de L.lena, al que lu acompañen los sos perros per unu de los meyores paisaxes que tien Asturias. La cotidianidá d'un mozu nesti alloriáu sieglu XXI espéyase nun viaxe interior delicáu y bien cuidáu na so realización, dirixíu por Sonia Fernández con guión de Xesús Torga y música orixinal de Dani Álvarez.

Ver curtiumetraxe





Horros: Ayalga y arca d'Asturies (2012)

Con 38 minutos, Horros: Ayalga y arca d'Asturies, ye un documental de Jaime Santos que mos descubre la hestoria de los horros y les paneres al traviés d'un viaxe pelos siglos y los pueblos, nun cuidáu montaxe qu'entemez testimonios y voz n'off, mui bien complementaes. Una pieza audiovisual que va descubrir los horros y los paneres con una perspectiva mui estremada a la tradicional folclorización d'estos elementos.

Ver documental



Bernabé, el primer llargumetraxe (2013)

Con una duración de 73 minutos, tamos ente'l primer llargumetraxe n'asturianu, dirixíu por Pablo Casanueva. Una hestoria real con ribetes de ficción, como la vida mesma, ye la de Bernabé Ruenes Santoveña, vecín de Posada (Llanes) condergáu a trenta años de prisión tres un fregáu con un oficial del Exércitu mientres la realización del serviciu militar. Esi conflictu fíxo-y echase al monte en 1946, convertíu nun fugáu, primero, y nun bandoleru llexendariu del oriente asturianu, dempués. Magar que desapaez en 1952, el so mitu pervive entá.

Ver tráiler





El *Corri-corri*, una danza d'orixe desconocíu

Esta danza, considerada la más vieya d'Asturies y una de les más representatives del folclor del país, báillase cada 24 de xunu n'Arenas, nel conceyu Cabrales, pa festexar el día de San Xuan. Una danza única y distinta a toles demás que se baillen nesti conceyu y qu'en 2019 reconocióse como BIC.

Les teoríes del orixe del Corri-corri son diverses. Dalgunos dicen que provién de los celtas, otros defenden la hipótesis de que ta rellacionáu coles pintures rupestres de Cogull (Lleida) y pa dalgunos trátase d'un ritu funerariu.

Como se ve, l'orixe ye confusu, pero en 1940 el baille unificóse, estableciéndose una serie de compases qu'hasta entós fueren llibres y creando asina un baille homoxéneu.

La danza ye interpretada por un solu home, denomináu bailín, y un grupu d'ente seis y

nueve muyeres. El bailín arranca'l baille con saludos a los que les muyeres respúnden esquivos. L'home amuesa la so quexa pol despreciu y persíguelos mientres ellos siguen inorándolu. De siguío, el bailín retírase y ye entós cuando les muyeres vuelven na so busca. Él vuelve aportar, respondiendo ellos nuevamente d'una forma esquiva. L'home ximielga los brazos y les muyeres mueven de llau a llau selemente los suyos.

Los pandeiros, panderetes con mangu típiques de Cabrales y los tambores, marquen el ritmu d'esta elegante danza, que s'acompaña tamién con cantares de romances.

El bailín viste calzón curtiu y montera y les muyeres traxe d'aldeana cabraliega con una caña de lloréu, llusal o felechu na mano.



Apartamentos turísticos
nel centru de Xixón
www.apartamentosceanbermudez.com

28 DE JUNIO AL 7 DE JULIO 2019

RECINTO FERIA LUIS ADARO - GIJÓN

METRÓPOLI

JUANES · ANDRÉS CALAMARO

MALA RODRÍGUEZ · BERET · ILEGALES · LA PEGATINA

FELIX DA HOUSECAT · FUEL FANDANGO · CAMELA

DENOM · ZETAZEN · LAS CHILLERS · DEAD BRONCO

TIKI PHANTOMS · LAS MUNJITAS DEL FUZZ · GIMNÁSTICA

JAIRÓ BELTRAMI · XIMENA SARIÑANA · EL CHIVI · ZELADA

NUNATAK · TIGRE Y DIAMANTE · AÑOS DE PLOMO · ADN

REMEMBER QUEEN · MICHAEL JACKSON LEGACY

"LA ÚLTIMA OPORTUNIDAD" REDBULL BATALLA DE LOS GALLOS



EXPOSICIONES

JUEGO DE TRONOS · EL SEÑOR DE LOS ANILLOS
HOLLYWOOD CARS · YO FUI A EGB · CLICKS PLAYMOBIL

COMIC CON

STRANGER THINGS · STAR WARS · HARRY POTTER
COSPLAY · YOUTUBERS · METROLUDIK
EXPOSICIONES · AUTORES Y ACTORES



XTREM EXPO

BASKET 3x3 · FÚTBOL CAMPUS · MARINERS
AIRSOFT · CROSS TRAINING

OTROS CONTENIDOS

TATTOO EXPO · COLLECT CON · LA BATALLA BARBERA
HUMOR · MAGIA "YUNKE" · CINE Y TV · RADIO "SIN PUDOR"
VIDEOJUEGOS · SHOWS INFANTILES · MARKET · FOOD TRUCKS

ENTRADAS Y ABONOS A LA VENTA
www.metropoligijon.com

Rutes a caballu, conocer Asturias d'otru xeitu

Dacuando vivimos a un ritmu que sabemos que nun ye beneficiosu, arrodiaos por demasiada contaminación y absorbíos pol estrés o la monotonía del día ente día. Pa romper con too ello existen actividaes que nos dexen escapar y reconcilianos con nós mesmos.

Xubú a esti espectacular animal pues esfrutar la oportunidad de vivir una aventura bien apegada a la naturaleza. Una experiencia única acompañaos d'unu de los animales más guapos qu'esisten: el caballu.

Si vas con neños puedes apurri-yos una experiencia estremada y animalos a que conozan cómo ye y cómo se porta un caballu embaxo les sos órdenes. Montar caballu va más allá de dar un paséu, ye sentise arrodiaú de naturaleza, ye volver a atopase con un mundu que nel día ente día sentimos alloñáu y que tan necesariu

ye pal equilibriu del ser humanu, ye apreciar los pequeños matices que nos ufierta la naturaleza y ye volver a esperar esos sentíos que tenemos dormilientos mientres tol añu.

Si esti branu nun sabes qué faer o si quies introducir a los más pequeños nel mundu de la hípica d'una forma lúdica, la seguridá ye fundamental nes rutes a caballu y por ello hai que cuntar siempre con espertos que te guíen nesta aventura.

Ye importante saber que nestes rutes organizaes cuiden a los caballos, con una bona alimentación, descansu y revisiones veterinaries. Si quies montar a caballu n'Asturies, con unos animales dóciles y baxo la supervisión d'espertos experimentaos, convidámoste a que vengas a estos sitios que t'ufrimos nel directoriu de rutes a caballu.

1



Rutas a caballo Cobrana

El Valle / Valle de Lago (Somiedu)

T: 985 763 952

somiedonatural.com

2



Asturias a caballo

Fontecaliente, 5 (Corvera)

T: 645 521 294


asturiasacaballo.com



¿Entá nun sabes si montar a caballu? Dámoste delles razones más:

- Amenorga la espasticidá (músculos contrayíos) y regula'l tonu muscular.
- Meyora l'equilibriu vertical y horizontal.
- Da más control postural y aumentu de la movilidá articular.
- Ameyora los tos reflexos.
- Favorez l'enfotu, l'autocontrol de les emociones y tamién ameyora l'autoestima.
- Inculca vezos de respetu pa colos animales

Llocaliza nel mapa ónde facer les meyores escursiones a caballu per Asturias



3



Zauber Rutes

Cuesta de Guaricio, S/N Marcenao (Siero)

T: 663 033 197

rutasacaballo.com

4



Rutas a caballo El Dorado

Sotu Cangues (Cangues d'Onís)

T: 985 940 065

rutasacaballoeldorado.es



Un llugar pa perdese... El Cantábricu que baña Asturias. Cualesquier de les nubes sable-res, faros o cantiles son un bon llugar pa perde-se y/o atopase.

Un llugar pa vivir... Tengo'l corazón dixe-bráu en trés... Nací en Mieres y tar na mio querida cuenca minera tráime más que bones alcordances... Al igual que Xixón que foi onde me crié. Agora vivo n'Uviéu y toi encantada. ¡Los trés llugares gústenme y enforma!

Un platu... Un quesín asturianu... y yo, yá soi feliz

Un postre... La mio debilidá ye y siempre va ser un platu de frixuelos.

Una sablera pa pasar el día... La sablera de Po. Pa min ye la meyor sablera del mundu

y los mios meyores branos de la infancia tán venceyaos a ella.

Un pueblín que nun podemos dexar de ver... A min gústenme los pueblos mineros como Figareo. Creo que ye imprescindible nun escaecer la nuesa hestoria, que s'escribe con carbón.

Un chigre pa tomar unos culinos... Gústame entemecer tradición con modernidá. Mamagua en Xixón ye unu de los restoranes y chigres más *chic* d'Asturies y amás tien sidra. ¡Qué más se pue pidir!

Un parque natural pa visitar... El Parque Natural de las Fontes del Narcea, Degaña ya Ibias. En conretu'l Monte de Muniel.los. Conocílu va unos años y foi una esperiencia cuasi mística. Ye un espaciu más que máxicu.

Arantxa Nieto: «La mio debilidá ye un platu frixuelos»

Diose a conocer na radio musical, nos 40 Principales. Dende entós tien fecho periodismu en televisiones llocales y tuvo cuasi un llustru en TPA como presentadora del magacín de les tardes. Amás, ye una de les presentadores de gales y eventos más solicitada y xestiona un blogue personal lentejuelasytachuelas.com, amás de collaborar n'otres iniciatives periodístiques. Agora ta embarcándose en nuevos proyectos y para un ratín pa Conocer Asturias cuntándonos les sos preferencies y recomendaciones...

Una fiesta a la que nun faltar... Les Piragües. ¡Siempres que puedo voi! Pa min son sinónimu de deporte, asturianía y folixa. Una amiestu de diez.

Un muséu pa recomendar... Gústenme enforma los museos. Creo que l'arte, la cultura ye esencial pal ser humanu. Agora mesmu quedaríame col Muséu de Belles Artes d'Asturies qu'hasta va unos díes brindónos la oportunidad de ver el retratu del monarca Fernando VII fechu por Francisco de Goya en 1814. ¡Un lluxu p'Asturies!

Un momentu de la hestoria... Encantaríame que llegara'l día de nun tener que lluchar pola igualdá. Que toos y toes sintiéramos el feminismu como daqué humanu y natural.

Un baille pa pasalo bien... Cualesquier

conciertu de rock y pop. ¡Tenemos tantos bonos grupos n'Asturies! Asina que, cualesquier sala que programe conciertos y apueste polos nuestos artistes.

Una pallabra n'asturianu que te preste... Güelita. Ye sinónimu d'amor infinitu y eternu.

Una tradición que nun pue perdese... Emocionase al cantar o escuchar en gaita'l nuesu Asturias Patria Querida.

Una espresión n'asturianu que te preste... Prestar. Esí verbu nuesu que puedes conxugar de mil maneres y pa él que nun esiste sinónimu en castellán nin n'otru idioma. Prestar ye mucho más que gustar... y mucho más prestoso que'l popular "In Love"... (*rises*)



Bufones de Pría, un espaciu máxicu

Nel oriente d'Asturies, na llocalidá de Llames, en Pría (Llanes), atópase unu de los monumentos naturales más impresionantes d'Asturies. La erosión de la mar y l'agua na roca caliar creó resqueibros y chimenees que conecten la mar cola tierra. Esto fai qu'en díes de fuerte marexada heba un espectáculu natural únicu: l'agua, xunto al aire salen espulsaos per estes galeríes algamando gran altor.

El meyor momentu del añu pa visitar los Bufones de Pría son los meses de la seronda y l'iviernu, una y bones la probabilidad de qu'heba una marexada más fuerte ye mayor.

Los bufones atópense nuna redolada de cantiles ya impresionantes paisaxes, ideal pa pasiar a lo llargo de la ruta esistente que contempla llugares como'l Pozu de Les Grulles, les sable-res de Villanueva o Cueves del Mar y pueblos como La Pesa o Garaña.

Un llugar máxicu que nun dexa a naide indiferente y al que Dolores Sánchez Buergo "La Galana" dedicó dalgún de los sos poemas.

La lleenda del Cuélebre

Un espaciu como esti, tan distintu, tan especial, tan inesplicable n'otros tiempos, nun podía dexar de tener lleendes. La más conocida ye aquella que cunta que debaxo los bufones vive dende va sieglos un cuélebre, esi ser mitolóxicu que ye una culiebra xigante con ales.

Esa culiebra, cuéntase, fuera un home condergáu a tala condición por tirar pelos cantiles a la so propía fía y al so namoráu dempués de sorprendelos xuntos n'actitúes amorosiegues. Avergoñáu pola so acción y pol so aspectu monstruosu, metióse ente los furacos de los cantiles viviendo ellí eternamente.

Cuando ta más atristayáu o enfocicáu, echa l'aire y el fueu pela boca creando les columnes d'agua que xuben y el ruxir que xeneren, que nun son otro, acordies con esta lleenda, que los sos bramíos desesparaos.

Semeya: Francisco Rodríguez



Casadielles

Les casadielles asturianas son una especie d'empanadiella duce rellena de nuez, azucre y anís. Existen dos variedaes: les casadielles de masa, que se faen frites, y les d'hoxaldre, que se cocinen al fornu.

La so elaboración ye típica de les fiestes d'an-tro-xu aunque ye un postre que pue atopase en cualesquier dómina del añu, especialmente na zona central y valles mineros d'Asturies.

Ingredientes pa 12 casadielles

Pa la masa

100 ml vinu blanco
50 g de manteca d'olio
50 g d'aceite d'oliva
30 g de mantega de gochu a temperatura ambiente
1 yema de güevu
1 cuyarada de postre de sal
1 cuyarada de postre de formientu
400 g de farina normal (va echándose adu-
lces)

Pal rellenu

200 g de nueces
80 g d'azucre blanco
4 cuyaraes soperes d'anís
4 cuyaraes soperes d'agua pa tostales
Aceite d'oliva 0,4°C
1 pulgu de llimón o naranxa (o dambes)
1 tueru de canela
1 estrella d'anís (opcional)

Pa sirviles

100 g d'azucre para "rebozar"



BAR EL MERCÁU



PlayPresta faise con un *Premiu GAVA*

PlayPresta ta de norabona. La plataforma de videos curtios n'asturianu foi reconocida'l pasáu 11 de mayu col Premiu GAVA a la Meyor Innovación Tecnolóxica nel sector audiovisual que concede l'Asociación Clúster Industria Creativa, Cultural y Audiovisual (Acicca). Inaciú Galán, Dani Rodríguez y Lluís Fanjul, responsables del proyectu, recoyeron el gallardón nuna gala presentada por Arantxa Nieto y Alberto González celebrada nel Teatru Palaciu Valdés d'Avilés.

El director de la canal, Inaciú Galán, agradeció'l premiu y reconoció'l trabayu de tol equipu que saca alantre la canal cada día. "Nun podemos tar más felices por esti premiu", aseguró Galán, quien esplicó que Play Presta nació "pa cubrir lo que pensáemos que yera una necesidá: tener una plataforma de vídeos curtios pensaos pa la mocedá y que tuviera n'astu-

rianu". Nel so discursu, reclamó al sector "más compromisu col usu del asturianu" porque "podemos facer mucho por esti idioma". Amás, mostróse enfotáu en que "sedría más fácil si tuviéramos la oficialidá", reclamando "que seya una realidá nos próximos cuatro años".

La plataforma PlayPresta ye un mediu desarrolláu por CuatroGotes Producciones y enfocáu como una plataforma d'audiovisuales qu'amiesta'l conceptu de televisión a la carta y les canales de youtubers. Ente los espacios más conocíos de la mesma tán La Casería, Hortensia, D'espór, Bertucu Show o La caja de Pandora, ente otros.

Dende la so creación a finales de 2017 hasta güei, la plataforma lleva publicaos cientos de videos y superó yá'l millón de visualizaciones, con una importante repercursión tamién nes escueles, como ferramienta didáctica.



Tornen les visites temátiques de Xixón Tours

Tres l'ésitu de la iniciativa esti iviernu, la plataforma d'información sobre ociu y turismu ConocerAsturies.com y Cuatro Gotes Producciones retomen col bon tiempu XixónTours, un ciclu de visites guíes temátiques n'asturianu que van ufrise al públicu a lo llargo de los meses del branu.

XixónTours ye una iniciativa pa dar a conocer la ciudá de Xixón a los propios habitantes del conceyu y a los asturianos y asturianes en xeneral, asina como a cualesquier persona que viniendo d'otros llugares quieran averase a conocer distintos aspectos de la mesma sintiendo la visita n'asturianu.

Les rutes de XixónTours tán diseñaes pa buscar un averamientu orixinal a la hestoria de la ciudá, tratando de da-y un enfoque diferente que llame l'atención del públicu xeneral y n'especial de los y les xixonese, que yá conociendo los llugares que van visitar, pa que puedan ver aspectos estremaos o desconocíos pa ellos.

Les visites d'esta segunda edición del ciclu XixónTours diseñáronles espertos nes cuestiones trataes en caúna de les temátiques de les

mesmes, como Arantza Margolles, Daniel García de la Cuesta ya Inaciu Galán. Nesta ocasión van volver a facese trés rutes temátiques. Puedes inscribirte na páxina web www.conocerasturies.com/xixontours con un costu de 6 euros (3 pa menores de 18 años).

Feches y horarios de les visites guíes en xunu

Xixón mete mieu

Vienres 14, 21 y 28, a les 22 hores.

Escritores n'asturianu en Xixón

Sábadu 22, a les 12 la mañana.

Muyeres na hestoria de Xixón

Sábadu 8, 15 y 28 a les 12 la mañana.

Inscripciones y más feches:
conocerasturies.com/xixontours

¿Qué sabes de los conceyos d'Asturies?

Asturies ordénase tradicionalmente en parroquies o collaciones, que xuntes configuren los conceyos. Proponémoste un cuestionariu pa saber cuánto sabes d'ellos.

1. El territoriu actual d'Asturies tien...

- a) 65 conceyos
- b) 78 conceyos
- c) 120 conceyos
- d) 88 conceyos

2. El conceyu más al norte ye:

- a) Xixón
- b) Cuideiru
- c) Gozón
- d) Carreño

3. ¿Cuál ye'l conceyu más grande?

- a) Tinéu
- b) Cangas del Narcea
- c) Valdés
- d) Casu

4. La comarca d'Os Ozcos tien...

- a) 3 conceyos: Santalla, Samartín y Vilanova
- b) 2 conceyos: Santalla y Vilanova
- c) 4 conceyos: Santalla, Samartín, San Tiso y Vilanova
- d) 3 conceyos: Santalla, San Tiso y Vilanova

5. El conceyu menos pobláu d'Asturies ye:

- a) Noreña
- b) Tameza
- c) La Ribera
- d) Bimenes

6. ¿Cuántes parroquies o collaciones tien Asturies?

- a) 780
- b) 1.504
- c) 325
- d) 857

7. ¿Qué conceyu ta más al oeste del territoriu?

- a) San Tiso d'Abres
- b) Tapia
- c) A Veiga
- d) Ibias

8. ¿Qué conceyu tien más población?

- a) Uviéu
- b) Siero
- c) Xixón
- d) Avilés

9. ¿D'estos conceyos, cuál nún tien costa?

- a) Villaviciosa
- b) Cuaña
- c) Pravia
- d) Caravia

10. ¿D'estos conceyos, cuál nún foi capital del Reinu d'Asturies?

- a) Cangues d'Onís
- b) Pravia
- c) Samartín del Rei Aurelio
- d) L.lena



CUATRO
GOTES

PRODUCCIONES



[videoclip]



[documentales]



[televisión y radio]



[xestión editorial]



[playpresta]



[revista viaxast]



[conocer asturies]



[xestión cultural]

Once
upon
a time...

primavera/branu 19



mamatayoe

